



## **Universitätsbibliothek Paderborn**

**Diplomatvm Belgicorvm Libri Dvo**

**Le Mire, Aubert**

**Brvxellis, 1627**

49. S. Engelbertus, A. Coloniensis & martyr, posseßiones monasterij  
Heinsbergensis an. 1218. confirmat.

**urn:nbn:de:hbz:466:1-10903**

ritate nostra confirmamus, cum signis authenticis domini Gozvini & Aleidis, qui duo facti huius auctores fuerunt, nostræ quoque imaginis sigillum præsenti scripto imprimentes.

Data Svestris in generali Capitulo, in prima Dominica post Pascha, anno incarnationis Domini millesimo ducentesimo primo, Concurrente vii. Epacta xiv. Indictione iv. Huius rei testes sunt

1201.

Ericus Decanus prædicti Capituli,  
Herimannus Factor de Svestris,  
Willelmus Præpositus Marnensis, & omnes fratres Svestrensis Capituli.

### N O T A T I O N E S .

Gozvinus de Valckenberg) fuit dominus opidi Falcoburgensis, ut arbitror: quod dominium, nobis Brabantis Transmosanum, hodie sub Ducatu Limburgensi comprehenditur, vna cum ditione Dalhemensi & Rodecensi.

ALBERTVS Leodiensis Episcopus ) Godefridi III. Lotharingiae  
Brabantiaeque Ducis filius, apud Remos an. 1192. martyrio corona-  
tus, quiescit Bruxellis in regio Carmelitanarum virginum cœnobi-  
o ; an. 1612. Remis eò translatus, & Martyrologio Romano ad-  
scriptus, ad diem 21. Nouembri. Fastos nostros Belgicos confule.

Svestris) vulgo Susteren, opidum Ducatus Iuliacensis, & dice-  
cessis Leodicensis: in quo est Canonicorum, itemque nobilium vir-  
ginum Canonicarum collegium, à S. Willibaldo Archiepiscopo  
Ultraiectino fundatum: vt in Cod. don. piarum cap. 20. docui.

In Susterensi ecclesia quiescunt S. Gregorius & S. Albricus, E-  
piscopi Ultraiectini. Ibide sepulta iacet Vastradis mater eiusdem  
S. Gregorij, & duæ filiæ Suendeboldi Lotharingiae Regis.

### C A P V T   X L I X .

*S. Engelbertus A. Coloniensis & martyr possessiones monasterij  
Heinsbergen sis an. 1218. confirmat.*

**I**n nomine sanctæ & indiuiduæ Trinitatis, ENGELBERTVS, Dei  
gratia sanctæ Coloniensis ecclesiæ Archiepiscopus, vniuersis  
Christi fidelibus in perpetuum.

T t 3

Pium

Pium attendimus, & ad præsentis vitæ decursum prosperiorem, & ad futuræ remunerationem æternam nobis maxime profuturum, quod loca sancta, monasticae religioni dicata, paterna caritate diligamus, & vbi cumque possumus promoueamus & conseruemus.

Inde est, quod vniuersitati vestræ cupimus constare, quod nos monasterium beati Gerlaci, & S. Mariæ virginis perpetuae apud Heinesberg, ob intimam deuotionem tam fratum quam sanctimonialium, quam ad cultum & seruitium Dei habent, in specialem defensionis nostræ protectionem recepimus, eisque omnia bona quæ nunc habent, vel in posterum, dante Domino, iuste poterunt adipisci, præsenti pagina confirmamus.

Specialiter tamen exprimimus prædium in *Munen*, videlicet centuriæ duodecim iugera terræ arabilis: quod prædium idem monasterium iusto emptionis titulo conquisiuit ab Hermanno de Brucge, & ipse Hermannus in præsentia nostra apud Lehegenich in ipsa ecclesiæ eidem monasterio contradidit: & frater suus Reinmarus clericus huic facto consensit, pro se & omnibus eorum cognatis vel amicis: & omni iuri, quod in prædio illo videbantur habere, uterque renuntiauit, & exfestucauit.

Ita mansum vnum in villa *Hertene*, l. x. iugera habentem, quem similiter ipsum monasterium iuste comparauit, ipsi monasterio in perpetuum confirmauit.

Ad cuius rei certam in posterum euidentiam, præsentem chartam inde conscriptam sigillo nostro fecimus communiri. Huius rei testes sunt,

Gerhardus Præpositus Carpenensis,  
Godefridus Carpenensis Canonicus,  
Fridericus Præpositus Monasteriensis,  
comes Willelmus Iuliacensis,  
Theodericus de Roslare,

Arnoldus de Gimmenich, Emundus de Brakel, & alij  
1218. quam plures, tam clerici quam laici. Acta sunt hæc anno Domini millesimo ducentesimo decimo octauo.

#### N O T A T I O N E S.

S. ENGELBERTVS) an. 1225. pro defensione libertatis ecclesiæ & Rom. Ecclesiæ obedientia martyrium fecit, & Colonia in basilica

basilica S. Petri quiescit. Historia vita, à Cæsario monacho ord. Cisteriensis scripta, existat apud Surium.

S. GERLACVS) eremita ord. Præmonstratenfis, an. 1170. floruit, & quiescit in celebri nominis sui cœnobio, quod fundauit; estque monialium dicti ord. Præmonstratenfis in diœcesi Ruremundenf, secundo lapide à Traiecto Mose: ubi versus istos, marmoreo eius tumulo incifos, me legere memini:

Gerlacus miles quondam, pōst cultor eremi,

Hoc mausolæo conditur arte suo.

Contempſitque lares, aras, patriosque penates;

Matta silex, ædes concava quercus erat.

Vita lasciuos redimis Gerlace reatus,

Cedens virgine o rura paterna choro.

CARPEN) celebre municipium sexto lapide à Colonia Agrippina distat, & iure hereditario spectat hodie ad Regem Catholicum. Habet arcem militari præſidio munitam, & vetustum Canonico-rum collegium.

## C A P V T L.

*Theodericus dominus Heinsbergenfis ann. 1223. copiosius dotat  
Heinsbergense virginum cœnobium, à suis præde-  
cessoribus fundatum.*

**I**N nomine sanctæ & indiuiduæ Trinitatis. THEODERICVS, Dei gratia dominus Hensbergenfis, omnibus, tam presentibus quam futuris, ad quos huius scripti notitia peruenierit, in perpetuum.

Cūm omnes, qui se heredes Dei & coheredes Christi, Christianæ professionis executione, testantur, loca promouere debeant Deo dicata; illi tamen eorum promotioni diligentius intendere tenentur & efficaciūs, pro quorum salute perpetua principalius & specialius incohata noscuntur.

Quocirca in cœnobio B. Mariæ virginis in Heinsberg, à nostris prædecessoribus, pro sua suorumque successorum salute fundato, religiosum conuentum fratrum & sororum, sub districione Præmonstratenfis ordinis, regularibus intentum disciplinis, ac quotidianis eleemosynis & hospitalitatibus, alijsque misericordiæ operibus